

以爲心也離而去之無以爲心卽無以爲性亦卽無以爲生  
夫安能久惟常抱此渾樸之物葆而不失其所則雖形體或  
壞而精英自足千古不亦歷久而弗衰乎夫體道能歷夫久  
則入水不溺入火不焚可以無死卽或死之而腐壞者軀殼  
吾之精氣神終未之亡也譬如蟬之脫殼蛇之脫蛻其若死  
者殼與蛻也而蟬之爲蟬蛇之爲蛇究未嘗亡也夫旣云死  
矣而仍不亡脫殼尸解者流也不生亦不滅是也非壽而何

任成章第三十四

大道汎兮

充滿入極其可左右取之逢源

孚佑帝君注曰汎水中之高地也道立於高又極於清眾濁

道藏輯要

道德經解

卷

心集一  
三十八

環繞有似於江之汎故以是况之惟道居高而下視則以一  
本散爲萬物而左宜右有無非道所充滿也

萬物恃之以生而不辭

大道無生功成不名有實無

又曰道可左右如是其爲萬物之母可知旣爲物母則物皆  
恃之以生母能生物則母亦任之而何辭第道尙虛無如是  
生焉弗辭勢將日趨於有而不可道者可道矣不可名者可  
名矣道固如是乎而不知功雖成不名有也生者自生道猶  
是恍惚寂寥而已彼滯於無者類辭物而不生滯於有者類  
生物而居功皆不可以爲道

愛養萬物而不爲主

道能育物忘其所自故常無欲常守真空可名於小語小含宏

萬物歸焉而不知主人能虛心可名於大何所是以聖人終不

為大粟中藏故能成其大誠不

又曰道惟不辭不有故於萬物雖愛養之而不自為主其不  
自主者以湛然無欲故也惟常無欲是自居於小矣道雖不  
自以為主而萬物或知而歸之雖大未云大也惟萬物受其  
陶鑄而不知誰氏之力耕田鑿井帝力何有於我是曰遷善  
而究不知有主皞皞熙熙大何如也雖不名大而大之名必  
歸之究之聖人終不敢自以為大也惟不自以為大而大實  
有所難揜而無容辭者故曰能成其大

仁德章第三十五

道藏輯要

道德經解

學

心集一

執大象天下往允執常靜

孚佑帝君注曰象道也大象即大道也道本無象而象以名  
之是為無象之象故曰大象執之者奉持不失言奉道以往  
行之天下可也

往而不害道無鬼神安平泰心安性平

又曰夫往者利害之交也只求利往而有妨於物非往之善  
者也惟奉道以往而於物各無所害萬物得所可謂安矣萬  
物洽情可謂平矣四方風動可謂泰矣非執大象以往而能  
如是乎

樂與餌從心不過客止邪念道之出口淡而淡乎其無味

無味